

**Հայաստանի պետական տնտեսագիտական համալսարան
պետական ոչ առևտրային կազմակերպության գիտական խորհուրդ**

Ո Ր Ո Շ ՈՒ Մ
17 մարտի 2017 թվականի

**2016-2017 ուսումնական տարվա առաջին կիսամյակի
քննաշրջանի արդյունքների և խնդիրների մասին**

Լսելով և քննարկելով «**2016-2017 ուսումնական տարվա առաջին կիսամյակի քննաշրջանի արդյունքները և խնդիրները**» հարցը (զեկուցող՝ ուսումնակազմակերպական աշխատանքների գծով պրոռեկտոր Մ.Ն.Հարությունյան)՝ գիտական խորհուրդն արձանագրում է. կիսամյակի ընթացքում ռեկտորատը, ուսումնական բաժինը, դեկանատները և ամբիոնները հետևողական աշխատանք են կատարել ուսումնական գործընթացի կազմակերպման, կատարելագործման և քննաշրջանը կազմակերպված անցկացնելու ուղղությամբ: Համալսարանում ուսումնական քննական գործընթացը կազմակերպվել է գործող կարգերին և գիտական խորհրդի կողմից հաստատված որոշումներին համապատասխան: Կիսամյակի ընթացքում կազմակերպվել և անցկացվել են համակարգչային և գրավոր թեստային ստուգարքներ և քննություններ համահամալսարանական հիմնական առարկաների գծով: Քննությունները կազմակերպվել են գործող կարգի պահանջներին համապատասխան: Խախտումներ և ծախողումներ չեն արձանագրվել:

Ռեկտորատը, դեկանատները և ամբիոնները մեծ ուշադրություն են դարձրել ոչ միայն քննական գործընթացի կազմակերպման և անցկացման, այլ նաև կիսամյակի ընթացքում ուսումնական գործընթացի կազմակերպման կատարելագործման հարցերին: Մշակվել և ներդրվել է առաջին կուրսերում գնահատման քսան միավորային համակարգը. կիրառվել է միջանկյալ ընթացիկ ստուգումների և ամփոփիչ քննությունների եղանակը: Բակալավրիատի հեռակա ուսուցումը հնարավորինս համապատասխանում է առկա ուսուցման համակարգին: Կիսամյակի ընթացքում բավական աշխատանքներ են կատարվել ուսումնական պլանների, առարկայական ծրագրերի արդիականացման, ուսումնական գործընթացի կազմակերպման կատարելագործման, դասախոսների անհատական բեռնվածությունների և դրանք գործող պահանջներին համապատասխանեցման ուղղությամբ:

Առկա ուսուցման բակալավրիատի ուսանողների ուսման առաջադիմությունը քննաշրջանից հետո կազմել է 73.2%՝ նախորդ ուսումնական տարվա նույն ժամանակաշրջանի 76.6%-ի դիմաց: «Գերազանց» գնահատականներով սովորողների տեսակարար կշիռը կազմել է 18.9, «գերազանց» և «լավ» գնահատականներով սովորողներինը՝ 15.3% (նախորդ տարվա նույն ժամանակաշրջանում, համապատասխանաբար, 20.5 և 17.9%): Ամենաբարձր առաջադիմությունը գրանցվել է ֆինանսական ֆակուլտետում՝ 79.7% (նախորդ տարվա նույն ժամանակաշրջանում՝ 79.4%), իսկ

ամենացածրը՝ ինֆորմատիկայի և վիճակագրության ֆակուլտետում՝ 65.4% (նախորդ տարվա նույն ժամանակաշրջանում՝ 68.3%): Հատկապես բարձր է պետական պատվերի համակարգում սովորող ուսանողների ուսման առաջադիմությունը. «գերազանց», «գերազանց» և «լավ» գնահատականներով սովորողների տեսակարար կշիռը կազմել է 69.4% (նախորդ ուսումնական տարվա նույն ժամանակաշրջանում՝ 77.1%):

Առկա ուսուցման մագիստրատուրայի ուսանողների առաջադիմությունը քննաշրջանից հետո կազմել է 72.9%՝ նախորդ ուսումնական տարվա նույն ժամանակաշրջանի 76.2%-ի դիմաց: Ուսանողների 30.8%-ը կիսամյակն ամփոփել է «գերազանց», 12.8%-ը՝ «գերազանց» և «լավ» գնահատականներով (նախորդ ուսումնական տարվա նույն ժամանակաշրջանում, համապատասխանաբար, 27.7 և 12.2%): Նախորդ տարվա ցուցանիշների համադրումից ակնհայտ է. գերազանց գնահատականներով սովորողների ընդհանուր առաջադիմությունը բարձրացել է 3.1%-ով:

Հեռակա ուսուցման մագիստրատուրայում առաջադիմությունը քննաշրջանից հետո կազմել է 53.7%՝ նախորդ ուսումնական տարվա նույն ժամանակաշրջանի 59.9%-ի դիմաց: «Գերազանց» գնահատականներով սովորողների տեսակարար կշիռը կազմել է 6.7, «գերազանց» և «լավ» գնահատականներով սովորողներինը՝ 5.1% (նախորդ ուսումնական տարվա նույն ժամանակաշրջանում, համապատասխանաբար, 9.4 և 7.3%):

Հեռակա ուսուցման բակալավրիատի I-IV կուրսերում արձանագրվել են հետևյալ ցուցանիշները. քննաշրջանից հետո առաջադիմությունը կազմել է 29.6%, «գերազանց» գնահատականներով սովորողների տեսակարար կշիռը՝ 0.5 (7 ուսանող), իսկ «գերազանց» և «լավ» գնահատականներով սովորողներինը՝ 2.1% (27 ուսանող):

Ինչ վերաբերում է առաջին վերահանձնումից հետո ուսման առաջադիմության արդյունքներին, ապա նշենք, որ բացարձակ առաջադիմությունը առկա ուսուցման բակալավրիատի I-IV կուրսերում 73.2-ից բարձրացել է 81.4%-ի, իսկ անբավարարների և չներկայացածների տեսակարար կշիռը նվազել է՝ 26.8-18.6%:

Առկա ուսուցման մագիստրատուրայում վերահանձնումից հետո առաջադիմությունը կազմել է 82.4, իսկ անբավարարների և չներկայացածների տեսակարար կշիռը՝ 17.6%:

Հեռակա ուսուցման մագիստրատուրայում առաջադիմությունը առաջին վերահանձնումից հետո կազմել է 76.3%, իսկ անբավարարների և չներկայացածների տեսակարար կշիռը նվազել է՝ 23.7%:

Հարկ է նշել, որ 2016-2017 ուսումնական տարում հեռակա ուսուցման մագիստրատուրայում 339 մագիստրանտից, ում թույլատրվել է մասնակցել մագիստրոսական թեզի պաշտպանությանը, ավարտել են 326-ը (96.2%): Նախորդ տարիներին թեզը չպաշտպանած 8 շրջանավարտներից պաշտպանել և դրական գնահատական են ստացել 8-ը:

Արձանագրելով կատարված աշխատանքները, խորհուրդը, միաժամանակ, նշում է՝ դեռևս կան թերություններ և չլուծված խնդիրներ.

1. Աշխատանքային և կատարողական կարգապահության ու ուսումնական գործընթացի կազմակերպման աշխատանքներում:
2. Ուսանողների դասահաճախումների կազմակերպման (հատկապես մագիստրատուրայում), դրանց գրանցումների և վերահսկողության գործընթացում:
3. Թերություններ կան առանձին դասախոսների կողմից ուսանողների հաճախումների, ակտիվության գնահատման և ամփոփման աշխատանքներում:
4. Փորձառությունների կազմակերպման անցկացման, վերահսկողության և գնահատման գործընթացում:
5. Ավարտական աշխատանքների և մագիստրոսական թեզերի թեմաների ընտրության, աշխատանքների ղեկավարման, կատարման, գրախոսման և պաշտպանության գործընթացներում:
6. Որոշ մոդուլների գծով առարկայական հարցաշարերը և թեստային բազաները խիստ բարեփոխման և թարմացման կարիք են զգում, քննաշրջանից առաջ թեստային բազաների ստուգումները ձևական բնույթ են կրում, կամ ընդհանրապես չեն թարմացվում, որոշ ամբիոնների վարիչների կողմից այդ գործընթացները չեն վերահսկվում:
7. Կրթական ծրագրերի և առարկայական ծրագրերի արդիականացման և դրանք գործատուների ժամանակակից պահանջներին համապատասխանեցման աշխատանքներում:
8. Խնդիրներ կան ներքին սփյուռքի և քոլեջներից ընդունվել ցանկացողների մասնագիտությունների միջև տեղաբաշխման հարցում:
9. Մագիստրոսական խմբերի ձևավորման, կրթական ծրագրերի արդիականացման, դասընթացների կազմակերպման և գնահատման գործընթացում:

Ելնելով վերոնշյալից՝ գիտական խորհուրդը

ՈՐՈՇՈՒՄ Է.

1. Հանձնարարել ռեկտորատին՝

- 1) մշակել միջոցառումներ թերությունների վերացման և նշված բարեփոխումները ուսումնական գործընթացում ներդնելու ուղղությամբ.
- 2) վերահսկողություն սահմանել ամբիոններում դասախոս կադրերի ընտրության գործընթացի վրա՝ նպաստելով, որպեսզի բուհում դասավանդեն բարեխիղճ, մասնագիտական բարձր որակներով օժտված, ակտիվ գիտական գործունեություն կատարող, դրական հատկանիշներով առանձնացող բարեկիրթ դասախոսներ.
- 3) հետևել դեկանատների և ամբիոնների աշխատանքային և կատարողական կարգապահությանը: Յուրաքանչյուր խախտում դարձնել որոշակի քննարկման առարկա և սահմանել համապատասխան պատիժներ.

- 4) քննարկել դասավանդման գործընթացում իր պարտականությունների մեջ թերացած դասախոսների և ամբիոնների հարցը՝ այն ուղղակիորեն կապելով պարզևատրումների համակարգի հետ:
- 5) քննարկել և ուսումնական գործընթացում ներդնել հեռակա ուսուցման համակարգի գիտելիքների տրամադրման և ստուգման գործընթացը առկա ուսուցման համակարգին համապատասխան կազմակերպելու հարցը:
- 6) հասնել նրան, որ յուրաքանչյուր կրթական մոդուլ ունենա որոշակի անվանում:
- 7) իր ֆունկցիոնալ պարտականությունները և հանձնարարությունները ժամանակին և բարեխիղճ չկատարած, նկատված թերություններին սկզբունքային մոտեցում չցուցաբերած դեկանների և ամբիոնների վարիչների հարցը քննարկել ռեկտորատում:

2. Հանձնարարել ֆակուլտետների դեկաններին՝

- 1) հետևողական աշխատանք կատարել խորհրդի որոշումները կենսագործելու և նկատված թերությունները և բացթողումները շտկելու ուղղությամբ:
- 2) ամփոփաթերթերում ուսանողների ակտիվության սխալ հաշվարկման ու գրանցման, ինչպես նաև արդյունքների սխալ լրացման դեպքերը քննարկել և խախտողներին ներկայացնել վարչական տույժի (պարզևատրումից զրկման):
- 3) շրջանավարտների ամփոփիչ ատեստավորումը բարձր մակարդակով անցկացնելու նպատակով ամբիոնների վարիչների հետ համատեղ քննարկել հանձնաժողովների նախագահների և անդամների թեկնածությունները և մինչև մարտի 20-ը ներկայացնել ռեկտորատ:
- 4) ամենօրյա հսկողություն իրականացնել կատարողական կարգապահության, ուսումնական գործընթացի կազմակերպման նկատմամբ: Դասախոսների և ուսանողական խմբերի կողմից դասաձախողումների յուրաքանչյուր դեպք քննարկել դեկանատի և (կամ) ֆակուլտետի խորհրդի ու ամբիոնների նիստերում, կիրառել համապատասխան պատժամիջոցներ՝ անհրաժեշտության դեպքում հարցը դարձնելով նաև ռեկտորատի քննարկման առարկա:
- 5) հսկողություն սահմանել դասախոսների հաճախումների հաշվառման գործընթացի վրա: խախտման պարբերաբար կրկնվող դեպքերը քննարկել և առաջարկություն ներկայացնել ռեկտորատ նրանց տույժի ենթարկելու վերաբերյալ (ընդհուպ պարզևատրումից զրկել):
- 6) պարբերաբար քննարկել ուսանողների բացակայությունների հարցը, մշակել միջոցառումներ դրանք նվազեցնելու ուղղությամբ:
- 7) ֆակուլտետների խորհուրդների նիստերում հանգամանալից քննարկել քննաշրջանի արդյունքները և գիտական խորհրդի որոշումները, մշակել միջոցառումներ (նշելով պատասխանատուներ) և հետևել դրանց կատարման ընթացքին:

3. Հանձնարարել ամբիոնների վարիչներին՝

- 1) պարբերաբար թարմացնել և բարելավել թեստային բազաները յուրաքանչյուր կիսամյակում և դրանք ավարտել մինչև յուրաքանչյուր կիսամյակի երկրորդ ամսվա 10-ը.
- 2) մեծ ուշադրություն դարձնել մագիստրատուրայում դասավանդողներին ներկայացվող պահանջներին. ընդգրկել միայն գիտական աստիճան և (կամ) գիտական կոչում ու պահանջվող մասնագիտական փորձ ունեցող դասախոսներին, նաև՝ կառավարման համակարգի առաջավոր մասնագետներին.
- 3) դասախոսությունների, սեմինար և գործնական պարապմունքների անցկացման որակի, արտալսարանային աշխատանքների, դասախոսների կատարողական կարգապահության հարցերը պարբերաբար քննարկել ամբիոնների նիստերում: Բողոքարկումների գործընթացը կազմակերպել միայն հանձնաժողովներով (հանձնաժողովում ընդգրկել նաև դասավանդող դասախոսին): Գնահատականի յուրաքանչյուր փոփոխություն դարձնել քննարկման առարկա.
- 4) ձևականություններից խուսափելու համար 2017 թվականի սեպտեմբերից կազմակերպել դասալսումներ, քննարկել ամբիոններում և արդյունքները ներկայացնել ռեկտորատ.
- 5) հետևել թեստային քննությունների առաջադրանքների կազմմանը. գնահատման գործընթացի յուրաքանչյուր խախտում դարձնել քննարկման առարկա, մշակել որոշակի միջոցառումներ նման երևույթները բացառելու ուղղությամբ.
- 6) հետևողական աշխատանք կատարել ուսանողների հետ, օժանդակել վարձավճարների գանձման գործընթացին.
- 7) զբաղվել ուսանողների փորձառությունների անցկացման վայրերի ընտրության, հաշվետվությունների ժամանակին ներկայացման և պաշտպանության հարցերին.

4. Սույն որոշումը քննարկել ֆակուլտետների խորհրդակցություններում, մշակել միջոցառումներ ուսումնական գործընթացը բարելավելու ուղղությամբ:

5. Սույն որոշման կատարման նկատմամբ հսկողությունը վերապահել պրոռեկտորներ Մ.Ն.Հարությունյանին և Պ.Ա.Քալանթարյանին:

Գիտական խորհրդի նախագահ՝

Կ. Լ. Աթոյան

17.03.2017 թ.